

Nancy Jiménez Morales

Diputada - Tlatlauquitepec 05

Ome xiwit tekitayekanani.

Nejwa namech tajpalowa nejin tonal, no tokay Nancy Jiménez Morales taixyekanke itech makuil distrito kuetaxkuapa, ta tinech tayokolia se tepitsin namo takakilis ni mits tapowiti in tekit tonik chiwak itech nejin ojpaka xiwit nejin altepetekit.

Axkan tik chiwa itech nejin teposejeka tanojnotsalmej, manamijke tein tech palewia maj nimanpa tiyetoka.

Maj timo senolochnotsakan yejwa nejin nik tenpalewia, nejin tekin tanowatilis, tamech maktilia ika masewal tajtol nawatl, wan no tikin makti tein amo weli takaki.

Itech nejin xiwit makuil tsonti wan majtak xiwit, semi tiowijtike nejin tonal kokolis tech chantali, tech owijmakak, tik patake tonemilis, momatokotso in taxtawilmej, wan tein okachi tech yolkokowa tech ajchiwak iwan tochankawan, wan okeskin amokeman tikin itakeok ijkon kinixpolo.

Nik ajsikamatik, ke in chivalis mochiwas nimanpa iwan nochi tokniwan, wa itech nejin sentekitilis, nejin xiwit ni yetoya itech nechikoltekitilmej nejin kuetaxkuapa.

¡MAJAMO TIMO NENKAWAKANI!

Wejka yetok timomatemoltiskej sayo itech nejin eyipowal tekinechikolis, tik nemilikej maj tiksentakakan titekitan ika nejin teposejeka tanojnotsalmej, tein nech palewi maj nik chiwa kuatanemililmej, tanojnotsalmej wan tanahuatilmej tein tech palewiskej itech nejin tonalkokolis. Wan no tikin kakike nejin tokniwan tein ki piajke kuejmolme itech ne inchan sekin keman mosentilike itech incnantsin, sekin tetatajme sayo kin tejwia in pilkonewan, nochi nejin nekuejmolme tikin itake iwan nochi niman nikin nojnotsak in altepetekiwani maj ki itakan niman nejin kuejmolmej.



NÁHUATL



No ijkon, nik temo keniw ti kin palewiskej wan tikin piaskej akin tekiti wan tapalewia ika nejin tonalkokolis, nikin tajtani nejin altepetekitini maj ki temakakan nochin manamikme wan ijkon mopalewiske nochin tapajtiani, takatapajtiani, siwatapajtiani, siwatapalewiani, kokoxketekuikani, wan nochin tein tepalewia ne tapajtiloyame, no ni tanwati wan nitapalewi maj kin tsakuakan akin kintetelchiwa in tapajtiani, itotemakixtijkawam!.

Ni kin tajtanik in kuetaxkuapan rekitini maj tisentekitikan wan maj tik temokan ken tik chiwa maj oksepa molini in tomin, wan maj tech kalpanokan ne analikniwan.

Nej ni walewtok, ne altepetl Tlatlauquitepec, ni ixnesi, nik chiwas, wan nej semi nikwelmati maj nikin ixketsa nejin tomasewlikniwan wan to altepet, nikin palewi nik temakak miak kuatanemililmej maj kin powitakan, wan maj powi nejin masewalchiwalmej, to masewlatajtol.

Keme nankita newa amo tei nech tsakuilia, nochin kuejmolme okachi nech yolchikawa maj nik sentoka nitekiti ika okachi chikawalis, ika eyipowal tanowatiltekitilmej, ne achtopa tonalme nech powitake newa ika ni eyi sentekitil okachi ni chiwke itech nejin eyipowal sentekitil. Nejin kixnextia ke nejwa semi nimo tekipachowa ka tokniwan tein nech ixtalijke wan noka takowtamatke.



NÁHUATL



Itech nejin majtaktiome metsme ni tekitik itech miak tekitilmej keme nejin:

- Takat wan siwat nochin powi.
- In siwame amo kipia kintewiske
- In chikawkame no powi
- In ojtipan tajpialis.
- Tapalewilme tein okachi mopalewijtani.

Tajtanilmej, altepekalpanolis wan tapalewilmej.

In tokniwan kinekiskia maj kin palewikan totayekanani keman okachi kimonekiltiaj, wan axak ejkok tonal maj timosenpalewikan.

Keman pewak omeika xiwit ahtopa ejkoskia in tonalkokolis, nej nimo tekimakak wan ni kalpanoj in altepemej, timosentalijke iwan in altepetekiwani wan tik nemilijke keniw tikchiwa maj kipiakan tekin intokniwan wan ijkon okachi kualo nemilis kipiaskej.

In ojtipan tajpialis semi nik powchiwak wan ni tajtanik maj no nimo olocho iniwan nejin tikitini, ijkon semi iwan nimo nojnotsa wan ninkmati toni kichiwa, keniw kin palewia nejin to altepekonewan.

Nejwa semi ni tayolchikawa maj mochiwa nejin tekimej.

- In masewalmej mak ki piakan akon kin ten kepas itech nejin teposejekatanojnotsalis 911.
- Mak kin makakan teposnejnemini wan tepostatoponmej nejin tajpiani itech altepetekiwajtekital.
- Maj kualo kin taxtawikan nejin tekitini Tajpiani kuetaxkuapa.

NÁHUATL



Nancy Jiménez Morales

Diputada - Tlatlauquitepec 05

- Maj oksepa ki pewaltikan nejin kal tapalewil itech to altepetl Tlatlauquitepec
- Nochin tajpiani maj ki chiwakan in amatamachiwal, wan ijkon okachi kuali tekitiske.

Ika miak tekichikawakis nik temowa keniw kin palewiskej in tokniwan tein amoteikipia ken mopalewiskej. Itech no kal tajtanilis tikin palewijke ometsonti wan makuil powal tokniwan tein monekia maj se kin wika ne kaltapajtil, sekin kimonekiltia pajti, okseki kinekia tepos ikanejnemiske wan okseki ki nekia ton kimajsewaske.

Itech tonalilwit, ti temakaje tayokolilmej ometsonti wan tajko ayame, makuil tsonti tapalewilmej tamajsewalis akin amo kipia no ijkon in reyes magos tik temakiltijke 3500 awilmej, itech altepet makuil distrito.

Axkan no Kali kijiwililia in tapalewilmej, tik chiwa ika miak powkaitalis wan ken tanowatia in tapajtiani ken ti mopiaskej. Maj na mech tapowi tejwan ti tekiti ika miak powkaitalis maj ti mo piakan ika nejin tonalkokolis ijkon kualititapalewiskej.

Ejkok neji tonalkokolis, kipia ke timo waltalijke osepa wan pewak ti tekiti ika miak chikawalis.

No ijkon, nik temo keniw ti kin palewiskej itotemakixtijkawam!. Yejwan tapalewia maskin amo kipia ajsitok in taxtawil, tekitike yowal itonal tapalewia maj pajtikan in kokoxkame.

NÁHUATL



Ni tapalewi maj temakakan:

- Ome tsonti wantajko xayakatapalewilmej N 95
- Makuil tsonti ixpikaloni
- Ome tsonti tenpikaloni
- Eyi tsonti atachipawani
- Ome tsonti wantajko gel kokolistamiktil
- Makuil tsonti mapikmej

Ejekatatanilis ika tachipawke itech miak altepekonemej wan no tapalewilmej ika takowke miak manamik.

Tapalewijke

- In kaltapajtiloyan Tlatlauquitepec,
- In kaltapajtiloyan Ayotoxco de Guerrero,
- In kaltapajtiloyan cuetzalan del Progreso wan in nechikol SUMA
- In Nojnelkaltapajtiloyan cuetzalan del Progreso
- In altepemej Tuzamapan de galeana wan Hueyapan.
- In nojnelxolalkaltapajtiloyanmej ne Mazatepec, Xonocuatla, Oyameles, Ocotlán, no ijkon in nojnelkaltapajtiloyanmej ton yetoke nikan altepeyomej ton mo nechikowa.



NÁHUATL

Nancy Jiménez Morales



Namejwan namech powkaita yka miak mowisiot, nan tekiti nochipa nan ki makixtia tatekipanalis, xolalkonemej xolalmej weixolalme wan to kuetaxkuapan, na ki mati namech palewia, tiksempia, ika to ixneskayot to taltikpak.

Semi ni mo weyimati ni powi itech nejin Partido Acción Nacional, tein nech mauika wan nech tekimaka maj ni tekiti ika mika ixpowalis wan kualtakayot.

Ni matami, namech wikilis ne weyi nesentiltayekananimejweyixolal, Takuanemililmej tech palewiske to kuetaxcuapan, ti tanotsaske kampa tech kaikan ton tech polwa nikan to xolalmej, wan ti tekitske ika miak mowisiot no ijkon tosempan ika in tayekanani ne weyixolal.

Nik tasokamatilia to teotsin kual nech wika kampa ni nemi, nochin no chankawan yejwan nech tojotoka, nochin namejwan, kampa ni nemi namech tasojta ti sansemej, tiowej maj tosempan ti nejnemikan



NÁHUATL



*iSemi ni yolpaki maj namech ixyekana!
Miak tasojkamatiki!*

